

續行水金鑑

地710

2054-2

部=77

續行水金鑑卷第一百五十

江水 原委五 江西



又東為湖口縣西之湖口鄱陽湖匯章貢諸水來會

皇朝通志

又東為湖口縣西之湖口江中有大洲二日梅家洲 日永和洲

彭蠡湖南匯章貢諸水北流來會又東經縣城北又

東北流北岸有龍湖水北自宿松縣來注之水自縣北之二

郎河南流經城西而南分為二派一南流與西自黃梅來一水會潞為龍湖廣二十里又東南流入江江

口有二小稍東有一水自南來注之 郎太平關水也 洲相連 水道提綱

大江經德化縣又東合彭蠡湖水經湖口縣清一統大

志

續行水金鑑卷百五

江水一

鄱陽湖匯章貢諸水亘南昌饒州南康九江四府南昌

新建建昌德安星子德化湖口都昌鄱陽餘干十縣之

境東北至湖口縣境入於大江皇朝通志

鄱陽湖匯章貢諸水為巨浸亘南昌東饒州西南康

東九江東四府南昌新建東建昌東德安東星子東

德化東湖口南都昌西鄱陽西餘干西十縣之境東

西廣四五十里至百里南北長三百里形如葫蘆中

為細腰卽南康星子之東南都昌之西北也南曰宮

亭湖族亭湖北日落星湖日左蠡湖實一水也湖自

三江口康山而東北為鄱陽兩口又北而西經都昌

東南境之黃金觜又西北經縣南湖中有礪山當縣

西南稍西有黑山東有甲山東南有茗蕘山自此而南湖心

東西瀾百餘里其西南與南昌東北之焦尾相望北經縣西有水自東北來

注之即都昌東北之石牛浦水又北稍西有馬家灣

水自東北元辰山合數溪來注之又北為山麓石流

觜又北為左蠡司湖至此甚狹西望南康城僅三十餘里又折而東北

有馬幾山水自東南來注之又東至拌龍鋪北有西

洋橋水合數溪自東來注之又北為屏風山又北有

沙洲經劉家市西北有白羊湖水口又東北為湖口

縣東南之西倉湖又西經縣南稍西為鞋山鞋山在湖正北

西與大孤山隔水相望又北為湖口自三江口而西北為凡

山為表安東北沙洲又西北為焦尾又西北為松門

續行水金鑑卷百辛

江水二

又西為吳城鎮以上皆支渠入湖之口又西北為德安縣東南

水口博陽水合廬山水自西北來注之博陽水出縣西南樟樹坳

東北經城南又東與東北來之廬山水及諸溪會廬山水出縣東北之廬山曰谷簾水西南流有五乳

峯水自東來會又西南會數水折東南流會北來柵嶺使君山二水又東南有紫竹林水自西界東南流

合北來鳳凰山石鼓山諸水又東南來會又南有縣北水自西來注之又清風嶺水合龍山鋪水自東

北來會又南經縣城東又東南入湖又東北為渚溪又北為羊鬮頭又

北為南康西南之福星洲南康北倚廬山東南面彭蠡又東北為

德星石西北岸即桃花鋪又北經甘棠鋪東自此而西即白鹿洞凌雲峯正

當南康北境又北而湖漸廣東望屏風山五十餘里東北望鞋山六十餘里又北

稍西經吳帝鋪東其西即廬山之五老峯也廬山為南康北

南界九江又西北經九江府東南之大孤塘南大孤山在北岸

又東北至鞋山西北東爲一江

湖十餘里東北經湖口縣

城西北會大江章江自源至湖口縣西北入江共行

二千三百里

水道提綱

鄱陽湖南昌府志在新建縣東北跨南昌饒州南康九江四府之境長三百里濶四十里卽古彭蠡也一名宮亭湖隋時以接鄱陽山故又名鄱陽湖寰宇記宮亭湖在州北水路二百四十三里圖經鄱陽湖東至饒州府餘干縣西至新建縣之荷陂里南至進賢縣之北山北至南康府都昌縣其南入南昌界者則爲宮亭湖新建縣志鄱陽湖在縣東北一百五十里謂之東鄱湖宮亭湖亦作邾亭湖在縣北一百八十

續行水金鑑卷百五

江水三

里謂之西鄱湖實一湖也饒州府志鄱陽湖在鄱陽縣西四十里會鄱江繞衢徽之水匯於大江跨南昌南康饒州九江四郡周四百五十里其東境屬饒州有雁泊小湖每春漲則與鄱江連接水縮則黃茅白葦曠如平野南康府志彭蠡湖在星子縣東南及都昌縣西一里卽鄱陽湖南接南昌府抵饒州府界由都昌縣之南西兩面歷星子縣東又西北入九江府湖口縣注於大江在星子縣南者名落星湖因落星石而名也在縣東南及南昌界者名宮亭湖在都昌縣西南者名揚瀾湖又北曰左蠡湖水經注廬山下有神廟號曰宮亭廟故彭湖亦有宮亭之稱焉元和

志彭蠡湖在都昌縣西六十里與潯陽縣分湖為界
周必大廬山後錄出石門望宮亭湖橫出揚瀾左蠡
左右相對星子縣志落星湖即大湖之西出者也今
名德星湖又左蠡湖在縣西左蠡山南大清一統志

章水源出湖南郴州桂陽縣東東流入江西南安府界
經崇義縣西北又經上猶縣西南又經南康縣北至贛
州府治贛縣西南有池江自南安府大庾縣經南康合
諸水來會至贛州府西北貢水來會皇朝通志

自洞庭以東庾嶺以北藪澤大者曰彭蠡為江西全
省十三府一州之總會北入大江其上源曰章貢二
水即古豫章湖漢也既合後總曰章江 章水源出

續行水金鑑卷百五

江水四

湖南郴州桂陽縣東之孤山三源合而東流為章水
桂陽縣南境山為大分水嶺凡西北麓水皆西北流
入湘江其南水皆入廣東南至番禺入海者也章
水出縣東南山東北流經苗將司東北其北源西北
自碇石界東南流來會又東北流其最北源又自西
北來會經集龍郵東入江西南安府界經珠子山北
南又東入大庾界 又東北流七十里有水自北山來會又東五十里
有一水自西南山來會又東北六十餘里至崇義縣
西北受西南來一小水又東經縣城北折東南流受
南一小水又東北流五十里有禮信水自西北合琴
江來會禮信水出文美營與湖南界之大山東南曲
流百餘里合西來一水又南流八十里有
琴江西自界上山合二水東流來會又東北折而東
又東南流合縣北一水又東南入章 又東北折而東
南經上猶縣西南境有口溪坑自西南來郵水合二

溪北自城西來並會又東經縣南又東稍北有九十

九曲水合四溪自北來會水出上猶東北山南流合東來三水南流百里入章

又東北經西雲山北麓又東流曰梅江經南康縣北

境有小水自南來注之東南流過玉潭山至贛州府

治贛縣西南境之潭口東有池江西南自南康合南

安府諸水東北流來會 池江即章水之南源也出

南安府治大庾縣西與桂陽界珠子山之東南大山

在內良隘之東東北流亦曰章水折東南流八十里

經南安府城北折而南經城東北又東南有小溪自

西來會小溪出大庾縣西南與廣東界大山東流經鬱林司北又東經小梅嶺大梅嶺之北過縣城之北府城之南兩城隔水相望為入粵孔道又東與大溪會而東流又折東二十餘

續行水金鑑卷百五

江水 五

里折西北流十餘里折東流經大里塘南遂東北流

八十里經鳳凰城南池江鋪北又東北曲曲經鍋坑

鋪南又東北受西南來一水又東北至南康縣西南

境有一水合二溪西北自李姑堡來注之即上猶東南境南康

西北境二溪也又東北至縣城東南受南來一小水折北流

經城東又北受西北一小水又東北流八十里至潭

口郵東北受南來一水又東北會章江 章江既會

池江東南流二十里折北流經贛州府城之西折東

流經城北貢江南自城東來會計章水與池江至此俱四百餘里 水道

綱提

章水贛州府志在贛縣西一名西江自南康縣界流

入至府城西環城而北合於貢水南昌府志在府城西章江門外濶十里一名贛水卽古湖漢水也自臨江府清江縣流入豐城縣界經縣西又北經南昌縣界又北經新建縣界又北注鄱陽湖入南康府星子縣界水經注贛水過新淦縣西又北過南昌縣西盱水蜀水注之又北歷南塘又經谷鹿洲又北經縣城西又北歷度支步又經郡北爲津步又東北經王步又北經南昌左尉廨西又北經龍沙西又經椒邱城下又歷釣圻抵閣下又北經鄒陽縣餘水注之又與鄱水合又有僚水入焉省志贛江自清江北流經豐城西爲劔江繞而北觸磯頭山繞而東行至縣東北

數里復折而北名爲曲江形如半月中分三潭亦名金花潭又北豐水注之又北受雩韶水過龍霧洲入南昌新建二縣界杭溪水合瑞州水東流入之瀦爲象牙潭北流經府城西爲章江又北受修江諸水匯於彭蠡南安府志章江在府城南門外源出聶都山東流過府東又東經南康縣南折東北入贛縣界卽古贛水亦卽豫章水亦名南江又名橫江浦山海經贛水出聶都山東北流注於江漢書地理志豫章水出贛縣西南北入大江水經注贛水出豫章南野縣西北過贛縣東注庾仲初謂大庾嶠水地理志曰豫章水蓋控引衆流總成一川雖稱謂有殊咸歸一水

矣其水導源東北流經南野縣北又經贛縣東寰宇
記章水源出大庾縣界聶都山從南康縣東北流合
西扶良熱等水流三千里入贛縣界與貢水合大庾
縣志章江源出聶都山之沙溪洞如星宿海然至府
東六里有過步灘水勢湍急巨石突起舟行至此極
險舟中人必登岸步過故以名灘明成化十五年知
府張弼鑿平峻阻南康縣志章江在縣南一名芙蓉
江相傳唐時兩岸多植芙蓉故名有浮石在縣西三
十里高二十餘丈當江流之衝水環其外宏治中里
人吳登顯鑿石浚水取道由石之南行者便之舊志
宋蘇軾詩浮石已乾霜後水卽此一大清
統志

續行水金鑑卷百五

江水七

貢水卽古湖漢水源出福建汀州府長汀縣西北西流
入江西瑞金縣界經會昌縣東北有雁門水自長寧縣
來會又西北有梅郵江自安遠縣來會經雩都縣東南
有梅川水自寧都州合石城雩都縣諸水來會西流有
潏河合潏江水自興國縣來會又南有桃江自信豐縣
合龍南縣定南廳諸水來會經贛州府東北與章江會

曰贛江

皇朝通志

貢水卽古湖漢水源出福建汀洲府治長汀縣西北
山有兩源合而西流其北源山之東北曰萬安溪又
卽汀州府西溪也西稍南經古城司又西受南來逆嶺之水又西入江
西瑞金縣東界山中數十里至縣南稍西有一水東

北自界上黃竹山合數溪西南流來注之水勢始盛

曰貢江黃竹山在瑞金東北界即陳石山所出之綿江水也三源合西南流經壬田寨南又南流折西南經縣城東又折西南流有壩水自北來注之

又南有羅田水自東來注之又南受西北來一水又

西南有浮圖水自東來注之浮圖水二源出瑞金南與福建界之黃安山合

而西流曲曲數十里入貢江又西經謝坊東又西南經會昌縣東

北有湘淇水自東南來會湘淇水出會昌東境與福建界山西北流至縣東貢

江自北來會又西流有雁門水合朗溪沙河南自長寧北

境山北流來會雁門水源出長寧縣北境盤古山北麓東北流合西來一水又東北曲

東流有朗溪自東南來會於羊角寨西北折西北流

至軍門墟東受東西來二溪水又西北折正北流經

羅田墟東又北有一水自西南合三溪東北流來會

又北有沙河東自白雲山合一溪西北流來會又北

經會昌縣城東又西經縣城北又西折西北流受西

南來一水又西北有梅郵江西南自安遠縣合諸水

東北流來會梅郵江即安遠水亦曰廉水源出安遠縣東南山西北流經縣南及西境有一

溪東自城北來會又北折而東北流有樂山衢孚山

二溪自西合而東來會又東北經芊山南又東北至

莊埠墟南又東北至洛口墟之南入貢江東受一小水又北曲曲八十

里受東南來二水又西北七十里至雩都縣東南有

梅川水合諸溪東北自寧都縣西南流合石城縣之

鹿河瑞林河又西南合雩水來會水勢益盛梅川即

出寧都縣北境梅嶺東南流有苦竹鋪東南山及大樹嶺二溪西南流合而來會又西南流有凌雲山水

自西北來有一水自東南來並會又西南至洛口郵折正南流有南雲鋪東水及蜈蚣山北水自西北來會

來會又南折東南流受東北來一水又南受東來鰲

溪水又西南受西北來桃溪水始曰梅江自源至此
已二百數十里又西南至縣東有龍溪合二水自西
北來有大溪合二水自東北來並會又南經縣城東
南又西南八十里有璜溪西北自黃沙山有白沙水
東北來並會又西南流瑞林河合鹿河自東來會
鹿河出石城縣東北界山兩源西南流而合又西南
有溫泉水合二澗西流來會又西南經縣城西北又
西南折西流有琴水自東南來注之曰琴水江又西
數十里折西北流有寨溪合二水自陽坑東南流
來會又西經固口墟南西南流有一水合二溪自北
來會又西南流曰鹿江 瑞林河出石城縣東南與
福建界之黃竹山北麓其南即瑞金之綿江源也水
自北流曰秋溪水兩溪合西北流至秋口渡北有灞
水自東北來會折西南流有龍江自東南來會又西
流曲曲有大柏水自南來會折西北流經瑞林河又
有智水自東來注之又西北流數十里曰瑞林河又
西與東北來之鹿河合兩河源流至此俱三百餘里
又西與梅江會 梅江既會瑞林河又西南數十里
有藥水自東來注之即長樂水也又折西流有曲陽
河自北來會又西南流八十里受南來二水又西稍
北有寒信峽水自北來注之又西南至雩都縣東有
雩水北自雩山西南流經城東來注之又南而貢江

續行水金鑑卷百辛

江水九

自東南南來會 此水亦曰寧都水以梅川為上源與
散水篔簹曲陽黃沙長樂灞水虔化諸水合受納既
多源委行五百餘里 經縣城南而西有麻油水自北
實湖漢水之別源也 來注之又南數十里有小溪河合流陂水及二溪自
南來注之折西流受北來二小水過三門鋪南又西

有澱河合濺水諸溪北自興國縣來會 濶河出興國

都西北境之蜈蚣山西麓西南流有藥山西北水自東
南來會又西南流有沙澱河自東來會又西南八

餘里至興國縣東北有澱江自北來會 澱江出縣
北境山南流九里有甲溪自西北來會又南有寶

石水合一溪自東北來會即城岡墟東水有楊坊水
自東來合者也又西南流有文溪西北自塘源嶺東

南流注之又南曰澱江至縣城東與澱江會又南至
城東南有程水自東來合一 澱來會又西南有廖屋
澱西北自疊山東南流合一 澱來會於縣南境又南
有沈水自東南來注之又西南流經石院鋪東雩山
西又南曲曲西南流 又南有桃江南自信豐縣合龍
一百數十里入貢江

南定南二縣諸水北流來會

桃江即信豐江源出龍南縣西南與廣東界之

冬桃山東北流有熱水湖水自東來會又東北數十
里有一谿自東南來會即東南源也又北數十里折
東北流經松林巖西麓有猿山水西自界上東北流
來會曰桃水又東北七十里至縣城西北有水尾山
水西北自界上南合葛谿東南流經祿馬上將軍山
來會東流過城北有渥水自南濂水自東來會
水源出縣南界之南宮山兩澗北流而合又北合西
來之松林巖水又北至縣東南有一水東南自定南
縣西界山來會又北經龍南縣城東又北與桃水會
稍東北濂水自東南來會又北經金盆山東麓又北
有水自西南來注之又北少東至小江口西北有水
東南自定南西北界山合三谿來注之即九洲河也
又北有一水自東來注之又北有九渡水自西南來
注之曰桃江又東北至信豐縣城東南又北流有大
樂水西南自龍潭石君山合四谿東北流經縣城西
北而東來會又有一水東南自安遠縣西境之九龍
山黎山西北流合五谿經小坑鋪南又合南來之黃
沙埕水而西北來會又有南水鋪前谿自西來會桃
江水勢益盛東北流有一水西北自楊鋪東南流合
二谿來會又東北曲曲經贛縣東南南境陳四鋪西又

續行水金鑑卷百五十一

江水十

東北受東南來一水又東北入貢江 此水源流
行五百里入貢江巨川梅江為最大桃江次之 貢

江又西流有一水自東北注之又西至崆峒山東麓

折北流經府城東而北與章江會曰贛江府城南有崆峒山章

水自西來貢水自東來夾山左右麓而北經城東章
水自西折而東經城之北貢水自南來會俗稱章為

西江貢為東江也 貢水自源至此行七百餘
里受數巨川實較章水為尤盛 水道提綱

貢水在贛縣東源出福建汀州界西流經瑞金會昌

雩都三縣又西入贛縣界與章水合一名東江又名

會昌江即古湖漢水也漢書地理志雩都湖漢水東

至彭澤入江行千九百八十里水經注湖漢水出雩

都縣導源西北流經金雞石又西北經贛縣東西入

豫章水寰宇記貢水源出汀州新樂山經雩都縣東

南四百七十一里北流至縣入贛縣界西北流八十里至縣東北二十里與章水合流 按貢水出今汀州府西六十里新路嶺蓋卽新樂之訛明統志綿水一源出汀州白頭嶺卽指此也西北流五十里經瑞金縣南門與綿水合又西南合灞羅諸水至會昌縣東北湘水自南來入之亦名湘洪水經縣北七里又折西北流合西南來之安遠江入雩都縣界又西北至縣東南寧都江自寧都來入之又西合雩水經縣南合諸小水又西南潑江水自興國來入之又西二十里桃江水自信豐來入之又西至府城東環城而北合於章江其中灘石參差舟行甚艱漢時豫章之

水湖漢爲大故地理志此水下獨曰東北入江其彭廬盱蜀諸水皆云入湖漢豫章水雖亦云北入大江然不言諸水入此不詳其里疑當時尙未知二水之源異流同姑並著之而專以湖漢爲經流也自水經

注以豫章水爲正源而湖漢之名遂隱

大清一統志

贛江自贛州府城東北經萬安縣東南有皂江自贛縣來會又西北有遂江自龍泉縣來會經泰和縣西南有牛吼江自永寧縣來會又東北有雲亭江自興國縣來會至吉安府廬陵縣東南有廬水自安福縣合永寧永新諸水來會經吉水縣西南有恩江自永豐縣來會經峽江縣東南新淦縣西南有象江泥江自永豐縣來會

至臨江府清河縣東南有秀江卽袁江自新喻縣合萍鄉宜春分宜縣諸水來會經豐城縣西又北分爲二支一東北流有盱江支津自建昌撫州二府境來會一西北流會瑞州府之錦山水至南昌府西南合流又北支渠無數連絡交錯入於鄱陽湖

皇朝通志

章貢合爲贛江自府城東北東北曲曲流多險灘

古稱

贛灘三百里又北折而西北有水西南自分水坳合二溪

東北流來注之又北至萬安縣東南境之灘頭鎮西

有蓼水自東南來注之在萬安縣境有十八灘而惶恐灘最險又西北

至皂口有皂江自西南來注之皂江卽皂溪源出贛縣西北境之金船山

東北流合分水坳北二谿又東又北有油田谿自東北七十餘里至皂口司入贛江

續行水金鑑卷百五十

江水三

來注之又西北至縣城南有龍谿自東來注之經城

西南有遂江西南自龍泉縣合諸水來會遂水源出龍泉縣西

與湖南界之萬羊山東南流九十里有一水自北來會又東流有一水南自書山來會東北流曰左溪有

大汾水西北自燕塘隘東南流合北來林陽谿東南來會又東有新谿自北合二水來會又東有右谿自

南合二水來會又東經縣南受南來一水又東受南來湯村水又東北流有雩谿西北自拔鐵山合二水

東南流又合敖谿來會又東北九十里至萬安縣西南入贛江此水源流行三百餘里又北經

城西而北折東北流七十里常谿自東南來浩谿

自西來並會又北經觀莊西又東北至泰和縣西南

有牛吼江自西南來合澄江來會牛吼江上源曰未谿二源出永寧縣

東境拔鐵山北嶺東南流合又東南有蜀水自西南合二谿來會又東南有二谿自南合而來會又東有

射川水自南來會又東北流至泰和縣西境曰牛吼江有澄江又名環川自西北來會東流入贛江曰牛

口 吼石 又東北經縣城東南有雲亭江東南自興國縣

境來注之曰珠林口 雲亭江即繪水出興國縣北境

秦和東之珠林口入贛江 又東北至水泡塘西有仙槎水合一谿

自東南來注之 一谿之源即甲 又北至鐵橋塘東折

西北流至吉安府治廬陵縣東南境神岡山下有廬

水西北自安福縣東南流合西南永寧永安二縣諸

水來會 廬水即廬水為豫章十川之一源出安福縣

而南數十里有一水自西界來會折東北流受西北

澤水自西南來會又東有寨木坳水南自羅塘司來

注之又東北有岡山二水自西北合而東

曰廬水河至安福縣城西北有郭水自北來注之又

東經城北稍東有荷谿自北山合智谿南流來注之

又東折而東南流有王江合毛亭水閔水自北來注

之南流至絲毛鋪西有金田水西南自大橋東北流

二谿一北自鷺嶺一東自拔鐵山西麓西流合而來

會又西北有漿水自西南茶陵交界楓谿巖之北東

北流七十餘里來會以下總名漿水又東北流入十

餘里至永新縣西南境曰勝業水與西北來之禾水

會禾水源出永新縣西北境秋山東南流經栗郵

司東又東南流有琴川水西自湖廣界山東流來會

又東流會南來之永寧漿水曰永新江亦曰潞江東

至永新縣城西南有二谿自南來合而北注之東過

城東南折東北流九十里有一水自西北來會又東北

折東南流數十里又東北曲百數十里至廬陵西境螺

江鋪南與廬水會廬水既會永新江東南流有邕

水自西南合高湖山水東北流來會又東經府南入

贛江即神岡山下也廬水 又北經府城東又北稍

及漿水源流俱五百餘里 東有真君山水自西來注之經螺子山東麓有橫江

續行水金鑑卷百辛

合朗谿三水自東南來注之又東北至吉水縣城西

南有恩江東北自永豐縣合諸水來會恩江源出寧都東北界廣

昌西北界樂安東南界苦竹鋪梅嶺北之大龍山兩

源北流而合曰遠谿水百徐莊水自東來會北流數

十里有鹿角峯西水自東來會又北流曰前團水有

雞籠山水自西南來會又西北流至樂安縣西南境有

六十里至永豐縣東南受東北來一水又西經縣城

南而西南流有一水北自城西來注之又西南有焦

嶺北水合南曹山塔嶺數溪自東南來西北流經藤

田鋪南而西北注之此水頗盛又西南流有皂水自

東南來注之又西受北來之吉陽水及東南來之烏

水又西經吉水縣城南曰明德江又北經縣城西

西入贛江此水源流行四百餘里又北經縣城西

而北經三曲灘東北流有南谿水自西北來注之又

東北有楓子江自西北合二谿經富田墟來注之又

東北有黃金水自西北黃皮邨合二谿及洞水來注

之又東北經陽山西又東北經峽江縣城東南玉笄

山西麓又東北有烏河自西合數小水來注之烏河

江縣西北境有牛頓虎嶺二水合而東流曰凌江又

東南有覺水自南來會漚水自北來會又東有一谿

自北來會又東受北來沙谿水過仁和鋪南又東

南入贛江至新淦縣西南境有象江泥江自東南合而來會

即永豐縣北之郭山水也二源合北流有樂門山水

自東南來會又北流數十里與泥江會泥江出縣

東境杯山關南麓南流曰泥水西南流七十里有大

盆山水及豐谿自南合而來會西北流八十餘里郭

山水自西南來又北有高嶺水自東南瀦為小湖來

會即新淦南水也有一水自西來注之又北經縣城西北折

東北流循山麓凡百里至臨江府治清江縣東南境

清江即贛江也亦曰章江分為二支一支北流折而

西二十餘里又折而北有秀江西南自新喻縣會萍

鄉宜春分宜諸水東流來會即袁江也袁江曰秀江即古南水為

豫章十川之一源自萍鄉縣東南之羅筭山羅筭水出焉分流為二派其西北流者合縣北之萍川水西

為湘東江入湖南醴縣界入淶水下流注洞庭湖其北流者即秀水也兩源在羅筭山東北與赤谷水岡

山水隔一山西北流合而西北有水東自江西鋪來會又北折東北流經縣東境又北至瀘谿鎮南有水

西自萍川之東來會相隔地僅數里萍川西南流經縣城為湘東江此水東南流入秀水秀水自源至此

已一百五十里矣又東北流至宣風鎮北有一谿自南來會又東北經七里鋪北又東北有坑頭嶺谿自

西北來合羅漢山水東南流來會又東北至袁州府城西北有清瀝江自南來經城西而北注之東過城北

有石屋山水自西北來注之折東南流有老山水合二溪自南來注之又東有白沙水自北來一水自南

來並會又東稍南有洋江赤江俱自北來注之又東南經分宜縣城西又東南受北來之鍾山水南來

一溪又東流經鍾山峽至新喻縣界曰喻河東經縣城南稍東有睦官水自南來注之又東稍北受南一

續行水金鑑卷三十一

江水五

谿水又東受南來灼水又東有長宣江自西北合二谿來注之又東有瑪瑙山水合東北來之陰岡嶺水

南流來會經雜湖鋪南又東有沿河自南來注之折東北流至清江縣東南境有皂谿自西來會又東北

入贛江此水源既會袁江東北流經府城東又北流行六百餘里

折東流與支津合而北經樟樹鎮西江澣司東有蕭

水自西來注之折東北流至豐城縣西南境又折北

流經縣城西蓮花湖之東又北有豐水南自柘山關

北流合東南數水來會豐水二源出柘山關北流而合又北數十里合西南來一

水又東北經縣南境數十里有富水東南自羅山合二谿西北流來會又東北有槎水東南自萬家橋西

流合南一水西北流經雷家鋪西又北歧為二支一來會又西北流至縣北入贛江

東北流受南來三小水次曰雩部水自鍾城山西北流注之又東北中

有巨洲又東盱江之支津東南自建昌撫州二府來

會西北流經南昌南境之猴邨東又北有巨洲又北至南昌府城之西南一西北流經新店西有杭水自西南合藥湖水東北流來會又北流百里有錦江卽古蜀水西自瑞州府來會東北流經留田鋪南河泊所北章江之正派也又東北至南昌府城西南與東支津復會江流甚盛北經城西其西卽南昌山銅嶺及西山也又北分爲二派又東北支渠無數連絡交錯入鄱陽湖支津東北出者會南來盱江支水及東南來廣信府上饒江水於三江口入湖支津西北出者會奉新安義之馮水靖安之雙谿水與寧州武寧之修水並匯於建昌縣南而東入湖章江自貢源至入湖已一千九

百里

水道提綱

贛水贛州府志在贛縣北章貢二水於此合流又北入萬安縣界漢書地理志豫章水出贛縣西南北入大江水經注贛水地理志曰豫章水導源東北流經南野縣北贛川石咀水急舟行甚難傾波委注六十餘里經贛縣東右會湖漢水又劉澄之曰贛縣東南有章水西有貢水縣治三水之間二水合爲贛因以名縣陳書高祖紀南康贛縣舊有二十四灘灘多巨石行旅者以爲難元和志貢水西南自南康縣來章水東南自雩都縣來二水至州北合而爲一通謂之贛水寰宇記貢水西北流至贛縣東北與章水合章

水從南康縣東北流合西扶良熱等水流三十里入
贛縣郭與貢水合爲贛水從縣北一百九十二里入
吉安府泰和縣界章貢圖經東江發源新樂山經雩
都而會章水西江導源大庾縣之聶都山與貢水會
而爲贛在州治後北流至萬安縣爲灘十有八怪石
突兀廉厲錯峙舊志贛水自府城北北流三百里歷
十八灘乃至萬安在贛縣境者一百八十里九灘
曰白澗天注小湖鼈灘大湖銅盆落瀨青洲梁口其
九灘在萬安縣案元和志皆以自東來者爲章水自
西來者爲貢水寰宇記始以東爲貢水西爲章水至
今仍之吉安府志贛江在廬陵縣南自贛州府北流

三百里經萬安縣西折東北流六十里經泰和縣東
又東北八十里經廬陵縣界遶城東又北四十五里
經吉水縣西又東北入臨江府峽江縣界桑欽水經
贛水東北過贛縣東又西北過廬陵縣西又東北過
漢平縣南萬安縣志贛江自贛縣梁口灘北入縣界
有灘凡九曰崑崙曉灘武朔昂邦小蓼大蓼錦灘漂
神惶恐水性湍險惟惶恐灘尤甚本名黃公復訛爲
惶恐也按陳書贛州有二十四灘今止有十八灘詳
贛縣泰和縣志贛江自萬安縣東流入經南野縣東
水流澄澈故又曰澄江廬陵縣志縣之東贛江自南
下合廬水經郡城螺子山亦曰螺州又四十里經墨

潭而下吉水吉水縣志贛江自府城東北注縣西南十五里之墨潭爲吉文水與永豐江合有清湖洲橫亘江中逶迤繚繞狀若吉字故名吉水又曰文江又東北入峽江縣界案吉文水卽贛水之異名臨江府志贛江在府城東自吉安府吉水縣流入峽江縣經城南又東北經新淦縣西又北流入清江縣界至縣北合袁水又北入南昌府豐城縣界漳江縣志贛江舊自縣南十里萬石洲南折而西與袁水會名爲清江遶城而北明成化末贛水衝蛇谿不復西折止有橫河一線與袁江相吐納直至城北二十里二水復合水勢益大有衝齧之患又十里經清江鎮入豐城

續行水金鑑卷二百五

江水 六

縣界是爲劍江大清一統志

上饒江一名信河卽玉山水有二源一源出玉山東北曰上千谿西南流至廣信府上饒縣東南一源出廣豐縣東南當浙江福建之界有江山縣水浦城縣水來會曰永豐溪至廣信府南而合曰上饒江經鉛山縣北分二派納諸水而合經興安縣南弋陽縣東南又經貴谿縣西南有須谿來會經安仁縣東南有白塔河自瀘谿縣合光澤金谿安仁諸縣水經龍虎山來會經餘干縣東南合諸水折西北與盱江贛江支津匯入鄱陽湖

皇朝通志

上饒江卽玉山水亦曰安仁港曰錦江有二源一爲

玉溪出玉山縣東稍北之懷玉山與浙江常山縣界

草平鋪之西北分二流東流者為信安港之上源東

入浙其西流即玉谿也亦曰上千谿西南經縣城東

南西流有古井潭水自北經城西來會又西南流至

崙溪鋪西南有冰玉水東北自子午口南合二谿西

南流來會子午口在縣東北白石街之西水玉水西

南流有落馬潭水自西北界來會折南流

有汪郵潭水自東北來會又又西南至廣信府治上

西南至崙谿鋪西南合焉

饒縣東北境有楮谿自西北來會楮谿即靈水也源

出上饒西北之靈

山東南流數十里有一谿自北來會南流有玉又西

南經府東境折西流經府城南稍西有永豐谿自東

來會一為永豐谿出廣豐縣東南與福建浦城縣

界之漁梁山北三源當浙江福建之界在浦城西北

境其東南水皆入建谿其東北

水皆北入於浙者也永豐源一自漁梁山北

流折而東北至小關驛北會東來一水又北至楓嶺

汎西有一水北自江山縣界西南流來會又西稍北

流過黃家橋南又西至二渡關木城關之南入江西

廣豐縣界又西北流經太平隘南又西北過封禁山

隘又西北至府東南境而永平諸水自廣豐縣城合

諸谿來會永平谿出廣豐東南與浙江界山二渡

關之東山西北流至縣東南有永豐谿自東北來會

永豐谿出縣東與浙江界頭草坪關之南大山

西南流合東來一水又西南流合永平谿西北流經

續行水金鑑卷百五

江水 九

谿南經府西來會又西南至鉛山縣北境分為二派

一西南流會東南來之岑陽關水岑陽關水出浦城

麓其東北水即永豐上源也此水西流數十里經岑

陽關北入江西界西北流經封禁山之南又西北有

七盧水自東北來會又西北折西南流有橫谿河又自焦嶺關西北流來會又西北會上饒江南支水又西會南來鉛山縣之東西谿曰汭口

鉛山東水曰車盤水源出縣南

與崇安縣界之分水關嶺其南水即崇溪東南入建溪者此水東北流合西南來一水又東北流有一谿

自東南南界合溫林關撩竹關二水北流來會又北合東來一水折西北流合西來一水即彭谿也又西北

經鷺湖嶺南又西北經縣城東北折而西會西南東一水鉛山西水曰桐木水出縣西南與崇安界之

桐木關其南水即望谿東會崇谿者此水北流有馬陵關北水自西南來會東北流又合東南來一水又

東北百里至縣西南稍北與車盤水合又西北而一派曰汭谿及北流入上饒江曰汭口

西北折而西南二十餘里受北來二谿合焉又西流經興安縣南境弋陽縣東南境有大州谿南合信義

港翁源及雙港水北流注之

信義港出石佛司北又西北有潦源水東北來注之

潦源出興安北境山中東南流經縣城西北又南有水東來注之又

西南入又西北曰葛谿有弋陽谿自東北來注之又上饒江

西經弋陽縣城南稍西有水自北合二谿南經城西來會折而南流有軍陽水自東南來注之即薌谿也

亦曰貴谿又西受北來一水又西南經貴谿縣城南而西有須谿南自雲際關西北流合數水來會

雲際關南與福建光澤縣界水自關北流折而西北數十里有茶山東北

水自南來會又西北經火燒關東又西北折而北流受東南一水又北流稍西受西南一水又西北

受南一水又西北至縣城西南與上饒江會又西北流至縣西北有山水自北合數谿西南流來注之

貴溪縣北境水也山水自徐克場東南流數十里有佛老嶺水自東北來會又南流受西來一水又南有

一水自東北來會折西南流北受長溪水東受縣北箬谿水西入上饒江又西北折西南流受南來馬安山西水又西北流八十里至安仁縣

東南境有白塔河南自瀘谿縣合杉港茶山清田諸

水經龍虎山而西北來會白塔河二大源一出瀘溪

之大禾山南沿帶邨北西流經鐵牛關南入瀘溪界

經縣城北大山南折西北流有縣西南二溪北流合

而來會又北流受西南一水又東北流受東南來一

水是日杉港又北而茶山水自東南來會

出光澤縣北境大山中西北流數十里經茶山隘西

入江西界又西北與杉港合又東北流至紫雲鋪西

折西北流經金貴鋪北又西北曰上清水以其北即

龍虎山也又西北有清田水南自金谿縣東南山東

北流合東南來一水折西北流受西南來一水又北

折東北流會上清水北流曲曲數十里折而西流曰

白塔河又西北流經掃帚嶺東至安仁縣

東南與上饒江會

此水源流行四百里

有惠安谿

自東北來會

惠安谿自白雞山西南流入上饒江

又

西北至城東南曰安仁港有金盤山水自東北經城

東來注之又西經城南而西又西北南受穆皇山西

水又西北經黃田鋪南又西北經撥雲峯東麓曰錦

江又北至餘干縣東南境折而西南經縣南境又西

北流有潤陂水自南合陽林鋪水北流來注之又西

北受南來一小水

續行水金鑑卷百五

江水 三

即流落山

自縣界至此總曰龍窟

河又西北至三江口與盱江章江支津北會入鄱陽

湖

湖口有洲其西北即几山大洲其東北康山也口

所會諸水亦多

道提綱

廣信府圖志上饒江在上饒縣城南一名信河源出

懷玉山西流經縣南及鉛山弋陽貴谿四縣入饒州

府界饒州府圖志上饒江在餘干縣東南自廣信府

貴谿縣流入又西北流與盱江章江支津北會入鄱

陽湖 乾隆府廳州縣圖志

盱江卽古盱水亦曰臨川江源出廣昌縣有三支合流經縣南又經南豐縣西南北流經建昌府南城縣東南有新城縣之黎水來會西流有金谿縣水來會又北經撫州府城東有臨水自崇仁縣東北合宜黃縣水來會又西北分支一西流經豐城縣東至南昌府城西南一北流經進賢縣西南新建縣東北又分二派與西流一派並入鄱陽湖 皇朝通志

盱江卽古盱水亦曰臨川江亦曰汝水亦曰東江源出廣昌縣有三處一曰小勳谿出縣東南與福建界山卽白蓮池之東北山也西流曲曲百餘里折西北

續行金鑑卷百五

江水 三

至縣西南境一曰巴谿二澗出縣南界血木嶺北流合而北數十里來會又北有雩河自縣西南山來會曰盱江東北流有一谿自西北來會東經縣城南折東北流受東南來一水又東北受西北來二水 一曰菰河自西北大樹嶺東南流 又東北受西北來一水 自南豐西南南境筆架山東南流 又東北至南豐縣西南有軍港水西自軍山來會東流有大南河自東南與福建界山來會東北經縣城東南又東北受東南來一水又東北有石溝水東南自蟠湖隘來會又北有兜港自西來注之又東北有一水自西南來會於水口鋪東又北受東南來一水 水東有湯塘泉 又北至建昌府治南城縣南受西來一水又

北經府城東稍北有新城縣水自東南來會

新城縣水即黎

水飛猿水及五福港也有赤谿出縣南與福建界之黃土關北流折而西北會東南來之游源水又西北流經縣城西又西北有桃谿自南界得勝關之西山北流合西南來之九曲水東北流來會又北稍西至硝石鎮西有資谿源出東與福建界之杉關即五福港也西南流合東南來之洵谿及黃土關熊村水又西北流經藍田鋪南又西北受東北自此而北曰東來一水又西北至硝石鎮南入盱江

江折西北流數十里受西南來之岳口東水又西至

藤橋鋪北有金谿縣水自東北來注之

金谿二源一出縣東北山

西流經縣西北境而南一出縣東南山西西北流而合西南流經苦竹鋪南又西有嵩谿市西二水合西北流經后車鋪西來會又西南又西稍北經白塔鋪東

又北曰汝水至許灣鎮西受東南來一水又西北受

西南來一水又北稍西經撫州府城東折而西北有

續行水金鑑卷百五

江水

臨水西南自崇仁縣東北流合南來宜黃縣水經府

城西北來會

臨水源出崇仁縣西南之巴山即臨川山也北流有樂安縣北境諸水自西南

合而來會源較臨水為甚遠即唐水也唐水出樂

安西北境之大益山南流為大谿有寶谿自西來會

東南流受西南來一谿水又東經縣北折東北流有

十洞水自東南來會又東北流曰蛟河有殷方水西

北自桃嶺來會又東北受一小谿南會臨水自源

至此二百里實臨水上源也臨水又東北至崇仁

西南有一水西北自西羅山之南來注之稍東有西

寧水南自華蓋山來注之又東北經縣城東南折經

城東而北又東北有羅山水自西北來注之又東有

孤山水自南合二谿來注之又東北百二十里至府治臨川縣西境有宜黃水自南來會宜黃水出宜

黃縣南南豐縣西北境軍峯山之棟柱嶺北流合

西南來一水西北流合西一水又北經老埠郵東北有黃水西南自鹿角合二溪東北流又合西一水又東北經老埠郵西北合西一水來會又東北至縣東南有宜水南自麻坑村東北流合東來漳水西北流來會又東北經城東而北有曹水西自迎華山東北流經縣北而東來會又東北流至長山鋪東折西北流

經臨川縣南境至縣西稍北臨水自西南來會東北
流經撫州府城西北又東北與盱江會此水源流
行四百里又北稍西有楮山水自西界橋南合一谿東流
來注之東受延橋北水又西北至桂家邨西北歧爲
二派一派西流折而西北百五十里於豐城縣東北
境與章江支津及零韶水通又西北經猴邨鋪東又
西北至南昌府城西南有巨洲又北與西南來之章
江會一派北流折西北經進賢縣西南境又西北至
管頭鋪西北有東鄉進賢水自東南來會水出東鄉
縣東境山
一自東北來一自東來一自東南來合而西流經縣
城北又西受北來南來二水又西南數十里受南一
小水折西北流至進賢縣東南受南一小水又西北
經縣城又西北經潯江嶺下分爲二派南受小港水
又西復合又西受南來之
羅谿水又西北入盱江又北至謝埠東折東北流

續行水金鑑卷三十五

江水

百餘里有落港水自東南來注之港二源出進賢縣
東南之六山鋪及

徐橋鋪合西北流經縣東北之龍馬洲東又西
北百數十里經斂足嶺東北又西北入盱江又北

歧爲二派一北流曰竹山谿至新建縣東北境趙家

園之西與章江東北支津曰嶠谿北港者會東北經

三洞湖至表安邨東北入鄱陽湖當口有大洲小洲
各一其西卽表安

西北口也一東北流受東南來之古路水又東北至几山

東南西會趙家園南支津東南會廣信府之上饒江

水北入鄱陽湖曰三江口指章江盱江及上饒江也
源流千三百餘里此口於

湖爲正南有小
洲水道提綱

盱江在府城東一名建昌江源出廣昌縣南血木嶺

東北流遶廣昌南豐二縣南又東北過南城縣東轉

西北入撫州界漢書地理志南城縣盱水西北至南
昌入湖漢寰宇記盱水在南城縣東二百十步源出
南當山西北沿流至臨川縣石門改爲汝水明統志
盱水源出血木嶺流二十里爲巴谿又十五里爲小
勳谿又七十里至廣昌縣界又三十里入南豐縣境
東北流至府城東南會新城縣飛猿水又北流二百
餘里入撫州境建昌府舊志盱水自血木嶺北流過
崖山又四十里到白水鎮又四十里入廣昌縣是爲
平西大河又百二十里至南豐縣治前又東北入南
城縣界至東津龜峯渡與黎川飛猿二水合又東北
流至縣東北折而西入撫州界

大清一統志

續行水金鑑卷百五十一

江水

瑞州府錦江卽蜀水一名筠河又名瑞河源出萬載縣
西北東流經上高縣西北有藤江自新昌縣合臨江諸
水來會經高安縣西有鳳嶺水龍口水來會至南昌府

新建縣西南會贛江入鄱陽湖

皇朝通志

瑞州錦江卽古蜀水源出萬載縣西北與湖南界之
大圍山雲峯洞東南流數十里有一水自西北來會
又東南有劔池水合二谿自西界來會
西界有金鐘淵及龍成巖
之水皆會入焉又東流曰龍江經縣城北又東折東北流經
紫蓋山南荔子嶺北曰楊木江受北來康樂水又東
經上高縣西北境之淩江口有藤江西北自新昌縣

合臨江諸水南流來會

藤江有二一曰長藤江出新昌西北黃岡洞之西北山隔

山北卽寧州修水也此水於山南三源合東南流經黃岡鋪西又南數十里折東南流有一水自西南黃土嶺東北流合血樹坳二谿東流經金谿山之北來會曰長藤江又東受北來之藤江水及鹽谿水北藤江出縣北大山有鹽谿自西北雙丫尖來會南流經黃茆嶺東又南經縣西而南會長藤江水又東經縣城南又東南流有臨江自東北山合二谿南流經縣東南境來會又東合北來一谿水又東折西南流至臨江口與楊木江會楊木江東又東南流有靈南流合此水勢始盛實蜀江北源也又東南流有靈江自北合數水來會靈江出上高北境之靈源山及鄉之東清涼山之西曰崇浦江又南合西北太平鄉來二水又南至縣北境曰靈江折西南流經縣西南入楊木江又東南經縣城西南又東南折東北流有斜口水南自蒙山合一水來注之斜口水出縣南境蒙山嶺水自東南來會又北流至斜又東北曲曲經青山口入楊木江亦曰界埠會水

續行水金鑑卷二百五十一

江水 三

縣西境有鳳嶺水合二谿自北來注之此水東南流經鳳嶺山靈

山尉山之西麓又東有龍口水自南合二谿來注之龍口水出縣西南境山東北流有碧雲峯水自南多寶嶺水自東南合而西北流來會又東北數十里入蜀江又東

至府西南受西北來蓮花山水瑞州府西水也又東經府西

南受南來鐘口水又東受北來城東水曰錦江又東

受南來之琴嶺水又東受北來一水又東稍北有曲

水自南合二谿來注之曲水出雞籠山之北北流有羊山水自西南來會又東北

流有藥湖北地一水自東南來會又東北流入蜀江又東北至烏溪浦西南有

逍遙山水自北來注之又東至南昌府治新建縣西

南境象牙潭與南來豐城之章江會而東北經南昌

府城西又東北入鄱陽湖蜀水卽筠水爲豫章十川之一源流行六百餘里

南昌之西山脈自新昌上高高安北境之山連接而東北遂爲西山其北水皆入馮水其南水皆入蜀江

水道

蜀江瑞州府志在府治北一名濁水今日錦江源出袁州府萬載縣界東流至上高縣凌江口合新昌鹽谿又東經縣南入高安縣界歷郡城中而東出又東至新建縣界入章江漢書地理志建城縣蜀水東至南昌入湖漢水經注濁水出康樂縣又東經望蔡縣又東經建城縣又東至南昌縣入贛水寰宇記蜀水在高安縣北三里東流五百九十里與章水合耆老傳云許遜爲蜀旌陽令有奇術晉末人皆疾癘多往蜀詣遜請救遜與器水投入上流疾者飲之愈敬其

續行水金鑑卷百五十一

江水
三

神異故以蜀水爲名府志錦江自府西南折而東注貫府南北城中分一支入南城爲市河設三牖以爲防衛饒州府志錦江在安仁縣南卽貴谿之信河下流也自貴谿縣西北流入安仁縣界至縣東南會白塔河西流經縣南又西北入餘干縣界至縣西瑞洪入鄱陽湖在安仁者名安仁港在餘干者又名龍窟河寰宇記興業水一名安仁港在餘干縣南一百二十里發源自貴谿縣西漏石邨經縣過餘干合江水明統志江有雲錦石故名餘干縣志龍窟水在縣西南十五里自安仁縣流入又北至縣東南桐口灘分流其經流入縣出南佈邨又西北注瑞洪入鄱陽湖

大抵縣境之水代有變更漢時西津塞則龍窟爲大河齊梁間龍窟河塞則馮田西津爲大河隋開皇中何杞塞西津開龍窟旣而龍窟復塞馮田西津復爲大河宋咸平間陳襄塞西津龍窟復爲大河今大河直走龍窟而馮田西津冬涸如行陸路吉安府志蜀水在龍泉縣北一百二十里亦名禾蜀水有二源俱在縣西北界左源清湛右源稍渾過金田合爲一至泰和縣界合禾谿水入贛江袁州府志錦江水在萬載縣北三十里源出謝山亦名謝江水又名康樂水東南流至縣東二十里邱江會於龍江寰宇記康樂水在縣東北水口去縣三十五里自謝山出南流卽

續行水金鑑卷一百一

江水 三

康樂侯謝靈運嘗游之水南昌府志蜀水在新建縣西南一名筠河又名瑞河又名錦江自瑞州府高安縣流入合於章江漢書地理志建城縣蜀水東至南昌入湖漢新建縣志水在縣西六十里至縣境象牙

潭入章江

大清一統志

修水出寧州西南與湖廣界之幕阜山東北流有南樓嶺水來會又東北有武寧縣水來會經武寧縣東南又經建昌縣東南有靖安縣之長谿奉新安義縣之馮水來會分數派會贛江支渠入鄱陽湖

皇朝通志

修水亦曰修河亦曰西河源出寧州西南與湖廣界之幕阜山

亦曰大阜山北曰青龍山

兩源合而南流會西來血木

山黃蘗山二水

二山自大阜相連而南又南為仙羊寨山俱西與湖廣界

又東南

至銅鼓營東江頭邨西有址河自西南來會即修水

西南源也

址河兩源出西南與湖廣界大山合流而東百數十里經銅鼓營南又北流會修水

東經江頭邨南又東北流數十里折西北流經葡萄津西又

西北至山口邨西

即青龍大阜之東麓支峯也

又東北曲曲受西

北來一水又東北至州西南有南樓嶺水西北自崇

鄉東南流經南屏山合西南馬市一水來注之水勢

始大亦修水北源也

崇鄉東西北三面皆湖廣界其山東南相連為州北境諸山又

東北為九宮山赤岡山武寧西北境

又東北經州城東南有額劫嶺水

自南合彌玉山清涼二山水西北流注之又東北數

十里有鶴源水北自九宮山南合一谿來注之

九宮山甚

續待水金鑑卷百五

江水 无

深又東北曲曲受北來赤岡山水南受陳坊山水又

東受北來東延山水及九宮東水又東北受北來一

水又東有白石港南自茅坪東南山合二谿北流經

柳山來注之又東受北來一水

武寧縣西水也

又東經武寧

縣城南又東受北來城東之水又東北受北來一水

又東受西南來一水又東北有紫鹿嶺白羊山水自

西北來注之折東南流受西南來嚴陽山水又東南

經白崖山有灘溪西南自洪屏山東北流經朱家山

猴子崖來注之又東南經尖山將軍山南麓又東南

至建昌縣城南有靖安縣長谿及奉新安義之馮水

俱自南來會

長谿源出靖安縣西北九仙鋪之西北山其北水即茅坪谿北流入修江者此

水東南流山中曲曲百里至縣西北有雙谿水西自
寧州界毛竹山合兩水東流來會又南至縣西南有
石掌谿西南自雙峯來注之又東南經縣城南折東
北流至東北境有一水北自牌樓山下合東一谿東
南流注之又東北流經安義縣北境又東北曰皓源
水又東北至建昌縣南境而馮水自南來會馮水
出奉新縣西北與寧州界之百丈山即寧州東南境
東嶺之東北山也東流經南坪橋南鯉魚山北東北
山及北嶺水合自西北來會東南流受西來一水又
東南經藥王山西南麓受諸谿澗又東流受南來李
家山水又東受南來華林山水又東受白鵝山水皆
高安北境山水也又東受北來之龍谿水又東受奉
新城西水東經縣城南稍東有米嶺水合高胡山水
自南來注之又東北數十里經安義縣南境有白雲
山水自南來注之白雲山東北即南昌之西山諸峯
嶺也修水又東北受西來縣城南二谿水經安峯桃
花嶺翔鸞山之北曰龍江分爲二派一北流經牛頭
山西麓至建昌縣東南境與西來靖安之長谿會而
北合與修河一東北流經牛頭山東南麓東北至老
鶴背北於修河之支港會又東北至赤岸山北又會
支港東北至松門之北吳城鎮之南入鄱陽湖馮

續行水金鑑卷三十五

江水三

水源流五百餘里 修水於建昌縣城南分二派中有巨洲一

南經州東南流會長溪馮水東北流又分二派曰慨

江口一東經丁家山南會馮水支津及章江支渠北

流者於赤岸山之北又分二派一東北於松門北吳

城鎮南東入鄱陽湖一於建昌城南東北流受支渠

水又東北經丁家山北東北於吳城鎮之西北入湖

湖口西北即德安水口也 修河
源流行九百餘里 水道提綱

修水南昌府志在武寧縣南一百步源出寧州西東

北流過州南經縣界又東入建昌縣界漢書地理志

艾縣修水東北至彭澤入湖漢行六百六十里水經

注修水出艾縣東北經豫章寧縣又東北逕永修縣

又東注贛水寧州志修水源出龍飛山東北流合幕阜山水又東合東津水又東合百葛水又東合杭口水又東合高城津又東南合武寧鄉水又東經州南至旌陽潭合秀水又合安坪水又東合吳坊水又東合梁谿水曰梁口又東合鶴源水東入武寧縣界江西省志云修水流經武寧縣南合官塘源港魯溪水又南受清江長田楊浦石蘄鳳口北受茶培東北受陂田箬谿東受蹟谿諸港水東北流入於建昌以其修遠故曰修水南康府志修水在建昌縣南源出南昌府寧州自武寧縣流入縣西界又東流百二十里合上僚水入章江注於彭蠡邑人呼爲西河亦名修

江水經注修水經豫寧縣東北經永修縣又東北注贛水王存九域志建昌縣有修水建昌縣志西河自武寧縣流經縣西九十里三祺灘亂石縱橫最爲險怪東流合諸水凡折行百十里與南河合又東出蘆

潭入新建縣界與章江合

大清一統志

鄱江卽古番水源出安徽婺源縣北西南流入江西界經德興縣北又經樂平縣東有大溪自婺源德興縣來會至饒州府治鄱陽縣東南有餘水自萬年縣來會又北有昌江自祁門黟縣浮梁縣來會又西南有西湖水

來會入鄱陽湖

皇朝通志

鄱江卽古番水有二源一曰婺河出江南徽州府婺

源縣北之大廣山自塔坑鎮西南合二水

其北隔山即浙源東

北至五城鎮合鷲南港河

西南流數十里有龍尾山水自西北來

會折東南流會茗坦村水於汪口村東

茗坦村在塔坑西南有水

西南曲曲經江灣村東又南西至汪口村之北西入婺

又東南經古坑村東折

西南流數十里經縣城東南曰婺河又西南百里經

太白司南又數十里至曹港口南入江西界經德興

縣北界西南流經桐林鋪西北有一水北自鳳遊山

西南流注之又西南經樂平縣東境曰樂安江有大

溪合諸水東自德興縣來會

大溪自婺源界山西南流即三清山水也有靈

山水東南自北前村西山西北流來會西流有一水

自東北來會始曰大溪西南流經德興縣城北有林

河自東北山來會西南流有石人峯水合二谿自東

南曲曲西北流經縣城南而西來會又有一水南自

江水

毛嶺北山北經界田鎮來會又西南有建節水南自

楊林鋪來會又西流有福泉山水西北流合一溪來

會折西北流至樂平東南境與東又西稍北經樂平

北來之婺河會源流三百餘里又西稍北經樂平

縣城南而西有孥舟村水自北來經城西而南注之

樂平北水也東北即烏聊山山之東南即鳳游山水

水之西有龍停湖周十數里又西二十里即此溪

又西稍南百里經古城南石頭街北西北流經高沙

灣南又西北至饒州府治鄱陽縣東南境有餘水東

南自萬年縣西流合餘干縣水北流來會

餘水出萬年縣東北

仙鶴山西南流經縣城東南有竹屯河自東南山西

北流來會又西北經城西南又西北流六十餘里至

餘干縣城西北有二溪合而南經城之西折而東經

其南遂東北七十

里來會即餘水為十川之一者也

又北流受西南二小水東南一

又北於府城之東南

小水又北而婺河自東來會

會東北來自祁門浮梁之昌江一曰大共水即祁門

南河源出祁門縣北境大共山山中曲曲南流曰柏溪經縣東北之柏溪鎮東又南西南流有山溪河東北自黟縣西武嶺西南流來會又西經縣城南又西南曰南河有歷河西北自樺根嶺合界河水東南流百餘里來會山溪河東隔一山即黟縣城西之浙源也界河西即江西界大山又西南至倒湖村東入江西界經浮梁縣東北境曲曲西南經大寒嶺吳嶺之北有小北港水自西北來會小港水出浮梁縣西北境高陂蒙嶺及分水嶺二溪合東南流至大惟鋪西南有一溪自北來會又東南流至山麓折而南又西南經洞庭山北又西南至縣東有渭水東自吳嶺合高嶺水來會又西南經城東南又西南至景德鎮北受北來赤嶺水及西北來南坑

橋水稍西受東南來鳳游山北水及柳家灣水又西過界牌鋪南曰昌江又西南百里至雲龍山南折而南流經府東北境求仁湖上東湖之東白鹿山之西折西南流經下東湖南又西至府城東南而婺河自東南來會二河既合曰鄱江西經府城南又西南有西湖水自北來會又西南入鄱陽湖湖口正西對康山在餘干西北康郎湖之北南昌東北三江口之東北也此水源流七百里西湖水南通鄱江北爲上湖珠湖又北爲烏玲湖會鄱陽童子石門二港水西入鄱陽湖童子港出鄱陽縣東北境與江南界之浩山南流有東北蒙嶺及分水嶺水合而西南流來會又西南流有港口水一出北斗嶺西南流一出福峯西北流合而西經雙鐘山來會曰童子港又西南經鐵藍山西又南有上藍村南水自東北經塔水橋雲龍山北而西南

來會又西南至府西北匯爲烏玲湖石門港出鄱陽北境石門司之西北山二源合東南流經司南曰石門港又東有一水自東北來會又南曲曲經烟衝山論石嶺東麓又西南至烏玲湖會童子港及珠湖水西入湖卽鄱陽北港口也童子港源流四百里石門港源流二百餘里水道提綱

鄱江在鄱陽縣南一名長港樂安江自東南來昌江自東北來流至城東會爲一名鄱江環城南而西折北流又分二支名雙港分流入鄱陽湖漢書地理志鄱陽鄱水西入湖漢水水經注鄱水出鄱陽縣界東西經其縣南武陽鄉入西流注於贛寰宇記浮梁樂平餘干等三縣水合爲鄱江經郡城南又過都昌縣入彭蠡湖鄱陽縣志鄱江上流有二一自安徽婺源縣經德興樂平流入經縣東六十里曰大渡一自安

續行水金鑑卷一百五

江水 三

徽祁門縣經浮梁流入經縣東北三十里曰小渡至縣東合流經城南又西而廣信西界諸水復自餘干來合焉折北十餘里又分二支一支自西而北又折西經崇陰鎮出饒河口入鄱陽湖一支自西而北復折西注於堯山港又二十里入老鶴港匯於烏玲湖由湖西南出經虬門入鄱陽湖又老鶴港一支轉北十餘里折東入車門港匯爲北珠湖其經流一名長港一名雙港宋時和州史定之植柳江濱亦名柳林

港

大清
一統志

續行水金鑑卷一百五十終